

Broj: 6093 /21
Dana, 12.03. 2021. godine

Na osnovu člana 64. stav 1. tačka b), člana 70. stav 1., 2, 3. i 6. Zakona o javnim nabavkama („Službeni glasnik BiH broj 39/14.“), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14), a na preporuku Komisije za javnu nabavku broj: 5933/21 od 11.03.2021. godine u postupku javne nabavke: „Nabavka materijala za termoizolaciju“ putem otvorenog postupka - interni broj: 15/21, Uprava preduzeća na sjednici održanoj dana 12.03. 2021. godine donijela je:

O D L U K U

o izboru najpovoljnijeg ponuđača u postupku javne nabavke: „Nabavka materijala za termoizolaciju“ putem otvorenog postupka - interni broj: 15/21

Član 1.

Prihvata se Preporuka Komisije za javne nabavke broj: 5933/21 od 11.03.2021. godine, te se Okvirni sporazum na period do 12 mjeseci u predmetu: „Nabavka materijala za termoizolaciju“ putem otvorenog postupka - interni broj: 15/21, dodjeljuje ponuđaču „FERHEM“ d.o.o. Lukavac, na iznos do maksimalne finasijske vrijednosti 70.000,00 KM bez uračunatog PDV-a.

Član 2.

Prijedlog okvirnog sporazuma dostaviće se na potpis izabranom ponuđaču po proteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 3.

U slučaju ulaganja žalbe na ovu Odluku, Ugovorni organ će postupati u skladu sa članom 100. Zakona o javnim nabavkama BiH.

Član 4.

Za realizaciju ove Odluke zadužuje se Služba za pravne i korporativne poslove i Služba komercijale Preduzeća.

Član 5.

Ova Odluka će se objaviti na WEB stranici Ugovornog organa: www.riteugljevik.com, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 6.

Ova Odluka dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O B R A Z L O Ž E N J E

Postupak javne nabavke pokrenut je na osnovu Posebne odluke Uprave Preduzeća o pokretanju postupka javne nabavke broj: 2096/21 od 03.02.2021. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je: 70.000,00 KM.

Obavještenje o nabavci objavljeno je na Portalu javnih nabavki pod brojem: 1276-1-1-80-3-163/21 od 15.02.2021. godine.

Komisija za javne nabavke imenovana je Rješenjem broj: 4433/21 od 01.03.2021. godine.

Komisija za javnu nabavku dostavila je Izvještaj o radu sa preporukom za dodjelu okvirnog sporazuma broj: 5933/21 od 11.03.2021. godine, u postupku javne nabavke: „Nabavka materijala za termoizolaciju“ putem otvorenog postupka - interni broj: 15/21.

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kome je utvrđeno sljedeće:

Do zakazanog roka za prijem ponuda (do 04.03.2021. godine do 12⁰⁰ časova) zaprimljene su dvije ponude sljedećih ponuđača:

Naziv/ime ponuđača		
Blagovremene ponude/ datum i vrijeme prijema	Ukupna cijena ponude bez uračunatog PDV-a na paritetu DDP	Neblagovremeno primljene ponude

1.	„FERHEM“ d.o.o. Lukavac	04.03.2021. godine u 08 ³⁵ časova	90.990,00 KM	/
2.	„PROFIL ISOLATION“ d.o.o. Doboj	04.03.2021. godine u 08 ³⁸ časova	83.142,40 KM	/
Krajnji rok za prijem ponuda bio je: do 04.03.2021. godine do 12 ⁰⁰ časova.				

Analizom dokumentacije pristiglih ponuda utvrđeno je sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA:

OBAVEZNI DOKUMENTI KOJE PONUDA MORA DA SADRŽI	Ponudjač: „FERHEM“ d.o.o. Lukavac	Ponudjač: „PROFIL ISOLATION“ d.o.o. Doboj
Obrazac za dostavljanje ponude - Aneks 2	Dostavljen	Dostavljen
Obrazac za cijenu ponude - Aneks 3	Dostavljen	Dostavljen, nije u skladu sa zahtjevom iz Tenderskog dokumenta
Obrazac za povjerljive informacije - Aneks 4	Dostavljen	Dostavljen
Potpisan i ovjeren nacrt okvirnog sporazuma i ugovora - Aneks 5	Dostavljen	Dostavljen
Popis izvršenog ugovora – Aneks 6	Dostavljen	Dostavljen, nije u skladu sa zahtjevom iz Tenderskog dokumenta
Potvrda o izvršenom ugovoru	Dostavljena	Nije dostavljena
Ovjerena Izjava u vezi člana 45. ZJN BiH – Prilog 1	Dostavljena	Dostavljena
Izvod iz sudskog registra	Dostavljen	Dostavljen
Ovjerena Izjava ponudjača u vezi člana 47. ZJN BiH – Prilog 2	Dostavljena	Dostavljena
Potvrda poslovne banke ili druge ovlaštene finansijske institucije	Dostavljena	Dostavljena
Ovjerena Izjava ponudjača u vezi člana 52. ZJN BiH – Prilog 3	Dostavljena	Dostavljena
Dokumentacija u skladu sa tačkom 3.1 Tenderskog dokumenta	Dostavljena	Dostavljena, nije u skladu sa zahtjevom iz Tenderskog dokumenta
Izjava u skladu sa tačkom 6.1 pod k) Tenderskog dokumenta	Dostavljena	Dostavljena

ANALIZA PONUDA

PONUĐA KOJE JE ISPUNILA SVE TEHNIČKE, EKONOMSKE, FORMALNO-PRAVNE ZAHTJEVE I MINIMUM KVALIFIKACIONIH USLOVA:

1. „FERHEM“ d.o.o. Lukavac

PONUĐA PONUĐAČA „PROFIL ISOLATION“ d.o.o. Doboj NIJE ISPUNILA SVE TEHNIČKE, EKONOMSKE, FORMALNO-PRAVNE ZAHTJEVE I MINIMUM KVALIFIKACIONIH USLOVA iz sljedećih razloga:

Tačkom 4.9 i 4.10 predmetne tenderske dokumentacije definisani su, shodno članu 49. Zakona o javnim nabavkama BiH, minimalni uslovi koje ponuđači moraju zadovoljiti, u pogledu tehničke i profesionalne sposobnosti, odnosno potrebni dokazi u cilju ocjene tehničke i profesionalne sposobnosti ponuđača, na sljedeći način:

4.9 Ponuđači shodno članu 49. ZJN-a BiH (Tehnička i profesionalna sposobnost) moraju zadovoljiti sledeće minimalne uslove:

Uspješno iskustvo u realizaciji jednog izvršenog istog ili sličnog ugovora u poslednje 3 godine, računajući od krajnjeg roka za dostavu ponuda minimalne finansijske vrijednosti 35.000,00 KM bez PDV-a.

Pod sličnim ugovorima se podrazumjevaju ugovor na isporuci materijala za toplotnu izolaciju.

4.10 Potrebni dokazi u cilju ocjene tehničke i profesionalne sposobnosti ponuđača:

a) Popis izvršenog istog ili sličnog ugovora u poslednje tri godine, računajući od krajnjeg roka za dostavu ponuda, a kao lični dokument koji izdaje sam ponuđač (u skladu sa šemom datom u Aneksu 6).

Popis izvršenog ugovora mora da sadrži:

- Naziv i sjedište ugovornih strana ili privrednih subjekata,
- Predmet ugovora,
- Vrijednost ugovora,
- Vrijeme i mjesto izvršenja ugovora,

Uz navedenu listu ponuđač je obavezan dostaviti:

Original ili kopiju ovjerena od strane nadležne institucije potvrde o izvršenom ugovoru izdatu od strane druge ugovorne strane kupca-krajnjeg korisnika, sa ocjenom uspješnosti realizacije ugovora. Potvrda mora da sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim ugovorima ili

Izjava ponuđača (pod punom materijalnom i krivičnom odgovornošću) o izvršenom ugovoru, ukoliko se gore navedena potvrda o isporučenim robama ne može dobiti iz razloga izvan kontrole Dobavljača robe potrebno je navesti i dokumentovati razloge nemogućnosti dobijanja navedene potvrde (obrazloženje i priložena dokumentacija moraju da se tiču objektivnih okolnosti koji su izvan kontrole ponuđača – Dobavljača robe).

Ponuđač „PROFIL ISOLATION“ d.o.o. Doboj je na strani 15. svoje ponude dostavio Aneks 6 – Popis izvršenog ugovora, a koji nije u skladu sa zahtjevima iz Tenderskog dokumenta.

Naime, u koloni „Vrijednost ugovora (bez PDV-a)“, upisan je iznos 8.263,13, a Tenderskim dokumentom zahtjevano je da finansijska vrijednost uspješno realizovanog istog ili sličnog ugovora bude minimalno 35.000,00 KM bez PDV-a.

Takođe, u koloni „Vrijeme i mjesto izvršenja ugovora“ imenovani ponuđač je kao vrijeme izvršenja ugovora upisao dan potpisivanja ugovora, a koji ugovor je dostavio na stranama 16-24 svoje ponude.

Kako je već navedeno, u skladu sa tačkom 4.10 Tenderskog dokumenta, uz Aneks 6 – Popis izvršenog ugovora, ponuđači su bili u obavezi dostaviti original ili kopiju ovjerenu od strane nadležne institucije potvrde o izvršenom ugovoru izdatu od strane druge ugovorne strane ili izjavu ponuđača (pod punom materijalnom i krivičnom odgovornošću) o izvršenom ugovoru.

Imenovani ponuđač je propustio dostaviti zahtjevanu potvrdu/Izjavu o izvršenom ugovoru.

Dalje, tačka 3.1 Tenderskog dokumenta, koja se odnosi na specifikaciju predmeta nabavke, u dijelu „Napomena“, alineja 1, propisuje da su ponuđači, za pozicije 1, 2, 3 i 11 dužni dostaviti zvaničnu proizvođačku dokumentaciju (katalog ili izvod iz kataloga ili prospekt ili tehnički list ili drugi zvanični dokument), na kojoj je ponuđeni materijal jasno obilježen, iz koje se jasno može utvrditi da li karakteristike ponuđenih termoizolacionih materijala odgovaraju traženim, te da dokumentacija može biti dostavljena u originalu ili ovjerenoj kopiji, ali da mora biti prevedena u skladu sa tačkom 6.3 Tenderskog dokumenta.

Ponuđač „PROFIL ISOLATION“ d.o.o. Doboj je na stranama 25-47 svoje ponude dostavio dokumentaciju vezanu za specifikaciju predmeta nabavke, koja dokumentacija nije dostavljena u originalu, niti u vidu ovjerene kopije, bez jasnog obilježavanja na koju stavku se odnosi koji dio dokumentacije, te na jeziku koji

nije u službenoj upotrebi u BiH, odnosno dokumentaciju koja nije prevedena u skladu sa zahtjevima definisanim tačkom 6.3 Tenderskog dokumenta. Zbog svega navedenog, imenovani ponuđač nije postupio u skladu sa zahtjevima postavljenim tačkom 3.1 tenderske dokumentacije.

Nadalje, tačkom 6.1 Tenderskog dokumenta, koja se odnosi na obavezan sadržaj ponude, pod b) je zahtjevano dostavljanje obrasca za cijenu ponude, koji je popunjen u skladu sa šemom datom u Aneksu 3 Tenderske dokumentacije. Tačkom 7. Tenderskog dokumenta detaljno su definisani zahtjevi koji se tiču obrasca za cijenu ponude, pa se u dijelu 7.1.1 jasno navodi sljedeće: „U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“ Predmetnim Aneksom 3, u trećoj koloni obrasca, od ponuđača je traženo da upišu naziv proizvođača i zemlju porijekla za ponuđene stavke predmeta nabavke.

Ponuđač „PROFIL ISOLATION“ d.o.o. Doboj je na stranama 4 i 5 svoje ponude dostavio traženi Aneks 3, ali je propustio da popuni pomenutu kolonu koja se odnosi na naziv proizvođača i zemlju porijekla, zbog čega se konstatuje da nije zadovoljio uslove zahtjevano Tenderskim dokumentom, a koji se tiču obrasca za cijenu ponude.

Na osnovu svega prethodno navedenog, ponuda ponuđača „PROFIL ISOLATION“ d.o.o. Doboj ne ispunjava uslove tražene tenderskim dokumentom, te ista nije prihvatljiva za Ugovorni organ.

Tačkom 8.2 tenderskog dokumenta predviđeno je provođenje E-aukcije. S obzirom da je za predmetnu nabavku prihvatljiva ponuda jednog ponuđača, E-aukcija se nije mogla održati, već je postupak javne nabavke završen u skladu sa članom 69. stav 1. tačka a) ZJN BiH.

U postupku donošenja Odluke, posebno su cijunjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijumima iz tenderske dokumentacije.

U postupku ocjene provedenog postupka, Uprava Preduzeća nije našla razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila u skladu sa Zakonom, podzakonskim i internim aktima i tenderskim dokumentom.

Iz navedenih razloga, primjenom člana 64. stav 1. tačka b) i člana 70. stav 1., 3. i 6. Zakona o javnim nabavkama, te člana 57. Statuta Preduzeća, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se predati žalba, najkasnije u roku od 10 (deset) dana od dana prijema ove Odluke. Žalba se predaje Kancelariji za razmatranje žalbi, putem Ugovornog organa u pisanoj formi direktno na protokol Ugovornog organa ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđaču,
2. Upravi,
3. Komisiji za nabavke,
4. a/a,-



Izv.dir.za posl.proiz.el.ener. i razvoja Termoelektrane _____;
Izvršni direktor za posl.proiz.i razvoja Rudnika _____;
Izvršni direktor za korporativne poslove _____;
V.D. izvršnog direktora za ekonomsko-finansijske poslove _____;
V.D. izvršnog direktora za opšte i pravne poslove _____